

مُهْجَتِي



محل ما بمشي وبغادر

بشوف صورتك علي خاطر

جمالك للقلب إحتال

عيونك ديمه لي أسر

لمحتك وانتي مبتسمه

قمر بين الشفاه ظاهر

قلبك كلو حنيه و

خودك وردتي النائر

دوام أطراك يا أحلي عيون

أقول أنساك وما قادر

وكيف أنساكِ وإنّ جواي
وبرّضك في المنام حاضر
سلبت فؤادي من بدري
وصبح حبك علي قاهر
شبيهك ما في إلا خيال
ولاسمك ذاتو في النادر

عجائب الدنيا بقت تسعه
وحسنك أكمل العاشر
محال أغدر وأحب غيرك
وأعيش ليل الغرام ساهر
محاسنك إنّ مكتمله
رشاقه وخفه متكاثر
لحفظك سائل
المولي

من الحساد من الساحر
أهديتك أغلي ما عندي
هديتك مهجتي الطاهر
لأنك إنت في الأول
وبرضك تبقي لي آخر
